

啓蒙真諦

未 3

48141



序

昌黎韓子曰莫爲之前雖美而弗彰莫爲之後雖盛而弗傳有
哉斯言千載上下賴繼續不然前之人苦心積慮而有所成者
後之人漠而視其殄滅漸盡不承往古以開示來茲雖有不肯
天下而盲哉是故抱殘守缺之君子尤於絕學三致意焉良
有以也史遷著書成其自序則曰藏之名山傳諸其人嗟乎其
人豈易得哉媯川胡公芝樵者好學而慕古博藝而多能惟藝
藝也故惜藝如命惟慕古也故繼古就湮所學所能余望其洋
而莫測其涯涘矣今特於其校刊啓矇真諦也彙舉一勺願與
天下共測之啓矇真諦者媯川總括兩家目科名之也其一清
江鄧博望先生著有一草亭目科全書原簡殘缺其一不知何
許人著有異授眼科留於天壤間有掃雲之巧有撥霧之奇康
啓矇真諦序

啓矇真諦序

一

熙朝年公希堯舉鄧書而重刊又異授而創刻之今徧求之不能得其本惜哉惜哉其學絕矣哉余賦性疏狂不甘膺下僚之遊也久矣交士大夫亦多矣所過而見者錦繡之華麗多矣之充盈光怪陸離駭耀俗耳目則往往皆是然余視之蓋知也目直若盲夫余不盲於目而若盲於目則知彼不盲目而實不特盲目且盲於心矣悲哉悲哉是誰使之胥世之寡識者而竟盲之哉光緒庚辰春余下龍眠入於閩一見輒相得者則有胡媯川而已戾止其廳事名書畫數幅陳設寥寥渾樸而近古揖坐而談之狀貌盎岸而言皆有物退而折矣謂是可以啓余之盲矣居無何不知媯川於何所取余歎而館之家命幼子受經焉日月逾邁寒暑已兩嬗至今初余之至館也不意心目間蔑視於彼而忽駭耀於此矣何爲其然也登其堂書而已入其齋



書而已憩其舍書而已琅函山架牙籤叢積其視錦繡珍寶則
倍蓰其光怪陸離矣觀止矣其茂以加矣迨余館居久乃愈識
媯川邃於經熟於史錯綜諸子百家言尤深岐黃學尤匪特此
也尤有可異者星象也指奕著堪輿也捕龍虎陽宅也按察索
卜筮也懸龜鑒而大千尤精風鑑也具隻眼而妍媸而善惡而
邪正而吉凶者俱呈露而莫能遁其形神峯則舉天下第通醫
天歸指掌之間兵法則嘗試之矣殺賊於湖湘昇平之世無所
用媯川固秘而絕口不談凡此者固又媯川之錦繡媯川之珍
寶光怪陸離於其胸腹中者也豈特岐黃之學哉岐黃洋海一
汎耳是故今者所校刊羣羣然殷殷然惟古絕學於我乎是續
爲快噫吁嘻博望諸賢既絕而復續於自今以後也苟非賴有
好學慕古博藝多能之媯川將何所於傳得其人哉假使

中國醫藥大學圖書館藏

僅落他人乎其漠不知寶惜者委置於櫛架若非蠹蝕而風飄
即將上漏下濕糜爛不堪付之故麓投之水火耳誰復過而問
哉其知之爲寶也者則又深藏而秘之獨得以居奇私持其術
射利於天下療天下之盲以盲天下之耳目使羣驚爲空而絕
後奇特技是更博其名而其究也亦同歸於盡然則癡之名山
傳諸其人者之兩等人夫豈其人哉今媿川惜之至纓之深惜
其藝之將絕而又懼古之就湮舉而刊之以廣布天下傳矣
望諸賢不僅當年一時之盛矣後之人苟有精其藝而擅善用
之美者舉皆啓矚冀諦是宗矣執藝以成名名藝必具彰彰矣
嗟乎媿川一人耳上往古下來茲爲之後而爲之前直欲持是
以不盲天下天下安得而測之嗟乎嗟乎余性疎且狂願大召
告天下曰盲者可不盲其不盲者勿自抵於盲當保其目如保

其心也
司

光緒

八年歲次壬午孟春上澣院桐張壽六拙我氏序

啓矇真諦
序

三



啓蒙真諦異授眼科


明目論

人之兩目猶天之日月視萬物察毫末何處不至日月有一時之晦昧風雲雷雨之所致也眼有一時之失明者六慾七情之所害也蓋目乃五臟之精華爲一身之主宰故五臟分爲五輪八卦分爲八廓五輪者配五行金木水火土也肝屬木名風輪在眼爲烏睛肺屬金名氣輪在眼爲白睛脾屬土名肉輪在眼爲上下胞心屬火名血輪在眼爲兩眦腎屬水名水輪在眼爲瞳神至於八廓無位有名瞻之腑爲天廓曰乾膀胱之腑爲地廓曰坤命門之腑爲水廓曰坎小腸之腑爲火廓曰離大腸之腑爲山廓曰艮三焦之腑爲澤廓曰兌脾胃之腑爲雷廓曰震肺之腑爲風廓曰巽此爲眼目之根本而藉之胞絡故五臟蘊

積風熱或七情之氣鬱結不散上攻於目各於五臟而見之或
腫癢羞明而多淚障膜昏暗而不明其病有七十二症須究其
源若是風邪則驅散之熱即清涼之氣結則調順之切不可輕
用針刀鉤割偶得其愈出乎僥倖一或有誤遂成終身之患且
又不可過用涼藥恐冰其血輪凝而不流反成痼疾更當量人
之老幼體其氣血之虛實方可用藥無不應驗假令人眼目無
光或生冷過多須當用補藥以暖下元益其腎水北方之人總
眼最多皆因日冒風沙夜臥火坑二氣交蒸使之然也治之當
用涼藥所以北方稟氣與南方不同故也凡小兒痘疹之後毒
氣鬱結於心肝二經發於眼目傷害瞳神素無治法如浮於肺
經而障膜遮睛可治也竊聞孫真人傳得仙方濟人一眼九世
其昌今此書真有點石化金之奇撥雲見日之妙凡愚目者宜

看五輪有餘則瀉不足則補且如肝者木也木能生火火乃木之子也木為火之母肝經虛也虛則補其母實則瀉其子此良法也治眼不過審其金木水火土虛實子母相生相克宜補宜瀉如此而已七十二症問答簡而且明宜珍視之真有神聖之功手到病除之奇

看眼訣圖



大小眥為血輪屬心火

黑睛為風輪屬肝木

瞳人為水輪屬腎水

白睛為氣輪屬肺金

上下臉為肉輪屬脾土

大小眥屬心病則赤大眥赤則心實小眥赤則心虛或昏熱赤

爛腫痛多生浮翳血貫瞳人若大眚先赤而傳小眚左眼先病而傳右眼其病在心

黑睛屬肝病則昏花黑暗頭疼流淚其病在肝

上下瞼屬脾胃病則胞腫起翳肉外廓生小塊名倫針或拳毛倒睫其病在脾

白睛屬肺病則白睛腫起多生瘀肉有淚或白膜侵睛名曰氣障其病在肺

瞳人屬腎病則目昏暗瞳人青綠頭疼冷淚多視物若堆烟或青盲內障其病在腎若瞳人大而有窟者不治

眼病歌訣

氣上昏矇不足虛則珠内生花熱則赤腫疼痛風則腫癢更加內障多因色慾食毒眵膜來遮上下拳毛倒睫脾胃風熱堪嗟

扳睛齬肉突出心肝爲酒傷也

冷眼歌訣

心冷目昏氣悶肚冷時時淚零脾冷隱澁難開肺冷時時昏光暈
膀胱冷生昏暗胃冷視物不明昏沈大腸之冷腎冷大小瞳人

熱眼歌訣

心熱血貫瞳人肚熱齬肉扳睛脾熱時時刺痛胃熱膜翳時生
腎熱睛瞳疼痛膀胱倒睫如針大腸熱生赤膜肺熱胞腫侵淫

藥性光明賦

元參苦參能散血大黃通利涼肝熱退熱柴胡及前胡歸尾白
芷能破血藿香順氣并木通防風荆芥能除風去障羚羊牛旁
子明目密花有大功蒼朮陳皮和脾胃頭痛藁本及川芎明目
菊花谷精草清神住淚真爲寶退翳蟬蛻石決明涼肝紫蘇龍

胆草止淚木賊桑白皮治肺五味及黃芪退熱黃連并黃柏破
血射干箱子隨樓風獨活連細辛蔓荊厚朴可相親
五倍子香附紫蘇亦堪爾目暈除風旋覆花補虛
枝子涼心當大用補虛退熱豈爲差遠志通心真
心真頃刻行血須知生地黃退熱連翹居其傍破
皮赤茯苓堪補虛勞羌活谷精除風熱退障訶子
車前石決明涼心當知小冬青惟有只壳寬腸疾
甘草解毒傳名硃砂礪砂開障翳熊胆善能掃風
塵木香射香通孔竅黃丹解毒如神妙去障礪砂
反掌神牙硝琥珀豈等倫白丁香能除冷障止痛
血竭如可親虛實熱風及諸症空青片腦要買真
甘石安神能定目從頭一一說與君

五經虛

心虛當歸生地 肝虛柴胡紅花 脾虛棗仁白朮陳皮 肺

虛五味麥冬 腎虛菟蓉山萸熟地杜仲枸杞 肺熱血盛桑

皮丹皮

瀉五經火

心火甘稍生地翹獨引黃連犀角超肺火桑皮麥冬

參杏石膏脾火只連生地芩麻引黃甘用要勤肝火尾刺赤柏

明柴引薄荷補姜陳腎火熟地知澤柏獨活引經增大黃胃火

梔子羔乾葛補胃白朮與生薑補心遠智茯苓鹽提肺升麻白

芷桔補肺車天五味參補肝姜枳芍芎熟補腎斛柏知芍煎杜

枳牛絲戟破蓉寬腸芒硝亮大黃寬小木通及羌活瀉膀胱芎

羌活柏瀉三焦分柴胡芩止吐藿香及生薑止淚芥苳香附菊

更有決槲附子辛陳皮朴硝麻黃并去翳蒙箱欵菊明龍胆蛻



賊及穀精退膜榔賊及穀精白蒺爲君用要勤去風蒺藜白
虫防風蟬蛻亦相倣退熱芩梔黃柏連連翹大黃正相兼破
芒硝丹大黃槐紅桃實最相當內障兩明蔓歸尾朴硝箱子及
大黃外障菊花牛蒡蛻石菖元細蒺藜芎蔓羌草決防黃柏黃
連箱子生地羚羊犀角欬冬白芷柏赤芍車前覆盆楮木賊穀精
及兔絲龍胆諸醫須要知

眼目虛實冷熱論

- 一眼上午不痛下午大痛是虛熱也
- 一眼上午大痛下午不痛是實熱也
- 一眼淚多者是虛熱少者是實熱也
- 一眼淡白紅者是虛熱也
- 一眼不痛不疼翳膜漸漸遮睛冷也

一眼內膜翳帶白色冷也

一眼有疼痛翳膜漸漸遮睛熱也

一眼神腎水脫歸瞳子者氣連清淨府也午前為陽午後為陰冷也

點藥藥性

甘石止痛淚

青鹽去障眇翳能涼血

白丁香去贅肉扳睛

硃砂正瞳神

明礬去障風翳

枯礬去風障乾爛弦

血竭散血住痛

乳香沒藥止痛散血

銅青去風障正瞳神

石蟹去膜眇消腫

麝仁去障眇解毒還睛

硼砂涼血去障

礬礬去翳

輕粉住痛殺蟲

巴豆去齬肉翳膜

水粉止淚生光

瑪瑙去障

連末解藥毒通竅散血

熊膽分塵去垢散血翳膜眇膜

琥珀去障生光

龍骨去翳障膜止淚

珊瑚去障塵

礪砂熟用去翳膜生用爛肉

珍珠生用傷爛肉熟用去膜生光

牛黃正瞳生光清心止痛去障膜

炮煉法

珍珠用人乳拌一宿入豆腐內煮熟熟者生光生者傷睛

瑪瑙火煨醋淬三次

礬石燒過

琥珀生研

石燕煨用醋淬四五次

石蟹煨用醋淬四五次

熊胆用篾盛上下去解血不斷絲者乃真

麝香用手摻如線者佳

石決明用青鹽和泥包煨煨

牛黃如千層餅樣一層黑一層黃者佳

文蛤一名海眼即雲南錢同甘石一樣煨

硼砂燒乾不製

白砒同明礬入瓦盆內燒烟盡爲度

乳香用銅杓滾水煮之成塊在箸上炙煨去油

輕粉燒過

沒藥箸上炙去油

啓矇真諦

異授

六

